



Lekcija 15

Globalni pogled na informisanje

Vrijeme pripreme: 30'

Trajanje: 1 x 60'

Sažetak

U međusobno povezanom svijetu, razumijevanje načina na koji se vijesti prenose širom svijeta ključno je za razvijanje medijske pismenosti i kritičkog mišljenja. Ova lekcija istražuje razlike u izvještavanju i prenošenju vijesti u različitim zemljama, utjecaj političkih i kulturnih konteksta, te ulogu međunarodnih novinskih agencija. Učesnici će steći uvid u različite načine na koje se vijesti prikazuju i naučiti da kritički procjenjuju globalne novinske narative.

Onlajn edukativni sadržaji

- Lekcija o alatima za provjeru činjenica iz online Moodle kursa "Razdvajanje činjenica od fikcije"
- Kviz o alatima za provjeru činjenica iz online Moodle kursa "Razdvajanje činjenica od fikcije"

Ključne riječi

Globalne vijesti, novinarstvo, medijska pismenost, sloboda medija, kulturni kontekst, međunarodne novinske agencije, politički uticaj

Cilj lekcije

Cilj ove lekcije je da pruži učesnicima alate i znanje potrebno za razumijevanje različitosti globalnog izvještavanja i prenošenja vijesti i kritičku analizu uticaja političkih, kulturnih i ekonomskih konteksta na novinarstvo.

Ishod lekcije

Na kraju lekcije, učesnici će imati sveobuhvatno razumijevanje kako politički, kulturni i ekonomski faktori utiču na izvještavanje i prenošenje vijesti u različitim zemljama. Razvijat će sposobnost kritičke evaluacije novinskih narativa, prepoznavanja pristrasnosti i tehnika oblikovanja koje utiču na globalne događaje. Također će steći uvid u ulogu međunarodnih novinskih agencija u oblikovanju javnog mnijenja i naučiti da cijene raznolikost novinskih perspektiva. Na kraju, bit će opremljeni da kritički i promišljeno pristupe globalnom izvještavanju.

Tok lekcije

min. 1 - 10: Uvodni dio lekcije

- Kratka diskusija: "Zašto se izvještavanje vijesti razlikuje u različitim zemljama?"
- Prikaz kratkog video isječka koji prikazuje izvještavanje o istom događaju od strane medija iz različitih zemalja.
- Istaknuti ključne teme lekcije: uporedna analiza vijesti, politički i kulturni konteksti, međunarodne novinske agencije.

min. 11–25: Usporedna analiza vijesti

- Korištenje slajdova za prikaz primjera novinskih organizacija (npr. BiBiSi, Foks Njuz, Ksinhua, Al Džazira).
- Diskusija o razlikama u regulatornim okvirima, nivoima slobode štampe i novinarskim standardima.
- Grupna aktivnost: Učesnici analiziraju kratke izvode vijesti iz dvije zemlje i identificiraju razlike u prikazu i tonu.

min. 26 - 45: Uticaj političkog i kulturnog konteksta

- Pregled uticaja vlasti-centara moći, cenzure i kulturnih vrijednosti u izvještavanju i prenošenju vijesti.
- Studije slučaja: uporediti izvještavanje o globalnom događaju od strane medija iz tzv. demokratske zemlje (npr. Velike Britanije) i tzv. autoritarne zemlje (npr. Kina).
- Otvorena diskusija: "Kako kulturne norme oblikuju način na koji se vijesti prezentuju?"

min. 46 - 55: Uloga međunarodnih novinskih agencija

- Predstavljanje agencija kao što su Rojters, AP, AFP i Al Džazira, sa diskusijom o njihovom globalnom uticaju.
- Prikaz primjera kako lokalni mediji prenose sadržaj ovih agencija.
- Interaktivna aktivnost: Učesnici procjenjuju način prikaza iste priče od strane lokalnog medija i originalnog izvora (npr. Reuters–Rojters).

min. 55 - 60: Zaključak

- Rekapitulacija ključnih tačaka lekcije.
- Grupna diskusija: "Kako razumijevanje globalnih perspektiva vijesti može poboljšati medijsku pismenost?"
- Podjela materijala sa ključnim sažecima i preporukama za dalje istraživanje.

Materijali / oprema

Video projektor, računar ili pametni telefon, internet veza, Prezi ili Pauerpoint prezentacija, hendauti sa materijalom sa primerima.